

আইআইইউসি'র অনুষ্ঠানে প্রফেসর ড. মোঃ দেলাওয়ার হোসেন

জ্ঞাননির্ভর প্রতিযোগিতা মেধাকে শাণিত করে

আন্তর্জাতিক ইসলামী বিশ্ববিদ্যালয় চট্টগ্রাম (আইআইইউসি)'র বিজ্ঞান ও প্রকৌশল অনুষদের ডীন প্রফেসর ড. মোঃ দেলাওয়ার হোসেন বলেছেন, জ্ঞাননির্ভর প্রতিযোগিতা মেধাকে শাণিত করে।

আজ বুধবার সকালে আইআইইউসি'র কম্পিউটার সায়েন্স এন্ড ইঞ্জিনিয়ারিং (সিএসই) বিভাগ আয়োজিত বিশ্ববিদ্যালয়ের অভ্যন্তরীণ প্রোগ্রামিং প্রতিযোগিতা ২০১৫-এর উদ্বোধনী অনুষ্ঠানে প্রধান অতিথির বক্তব্যে প্রফেসর ড. মোঃ দেলাওয়ার হোসেন এ কথা বলেন। সিএসই বিভাগের প্রধান মোঃ মনিরুল ইসলামের সভাপতিত্বে ল্যাব কক্ষে অনুষ্ঠিত এ আয়োজনে অন্যান্যের মধ্যে বক্তব্য রাখেন, সংশ্লিষ্ট বিভাগের সহযোগী অধ্যাপক মোঃ সামসুল আলম। স্বাগতঃ বক্তব্য রাখেন প্রোগ্রামিং প্রতিযোগিতার সমন্বয়ক সহযোগী অধ্যাপক তানভীর আহসান।



ছবি: প্রধান অতিথি হিসেবে বক্তব্য রাখছেন আইআইইউসি'র বিজ্ঞান ও প্রকৌশল অনুষদের ডীন প্রফেসর ড. মোঃ দেলাওয়ার হোসেন

অনুষ্ঠানের প্রধান অতিথি আইআইইউসি'র বিজ্ঞান ও প্রকৌশল অনুষদের ডীন প্রফেসর ড. মোঃ দেলাওয়ার হোসেন তাঁর বক্তৃতায় বলেন, আজকের সমাজ জ্ঞানের সমাজ, ডিজিটাল সমাজ। বিশ্বায়নের এ যুগে উন্নত বিশ্বের সাথে প্রতিযোগিতায় টিকে থাকতে হলে প্রযুক্তি নির্ভর জ্ঞানের বিকল্প নেই। তিনি বলেন, তিনি প্রতিযোগীদের উদ্দেশ্যে বলেন, প্রতিদিন জয় করার মানসিকতা পোষণ করতে হবে। সকালে ঘুম থেকে ওঠা থেকে রাতে ঘুমোনা পর্যন্ত এই ইচ্ছাকে সক্রিয় রাখতে হবে।

এই প্রতিযোগিতায় আইআইইউসি'র ৬৮ জন ছাত্র-ছাত্রী অংশগ্রহণ করে। এতে সিনিয়র গ্রুপে প্রথম, দ্বিতীয় ও তৃতীয় স্থান অর্জন করে যথাক্রমে জামিল আসাদ, মুহাম্মদ ফরহাদউল্লাহ মেজবাহ ও মোঃ আরিফ হায়দার। জুনিয়র গ্রুপে প্রথম, দ্বিতীয় ও তৃতীয় স্থান অর্জন করে যথাক্রমে মোঃ শফিউদ্দিন, শাহনেওয়াজ রিফাত ও তওফিকুল ইসলাম। শ্রেষ্ঠ ছাত্রী এবং প্রতিশ্রুতিশীল প্রতিযোগী হিসেবে পুরস্কৃত হয় ফারজানা তাসনিম ও মিসবাহ আহমেদ চৌধুরী। প্রোগ্রামিং প্রতিযোগিতায় বিচারকের দায়িত্ব পালন করেন বিশ্ববিদ্যালয়ের শিক্ষক মোঃ সামসুল আলম, তানভীর আহসান, মেহেদী হাসান, শায়হান আমিন চৌধুরী, সাইফুর রহমান, শামিমা আকতার ও গোলাম সরওয়ার চৌধুরী। --প্রেস বিজ্ঞপ্তি

(মোসতাক খন্দকার)

জনসংযোগ কর্মকর্তা

আন্তর্জাতিক ইসলামী বিশ্ববিদ্যালয় চট্টগ্রাম